


Th



Teol. 4078.

Fryderyk Dominicus: Tractatus theologicus de
divina scientia, deis, veritate ac vita increata.

D



D

EPI
cel

H

C

R.

Sty

TRACTATUS
THEOLOGICVS,
DE DIVINA SCIENTIA, IDEIS, VE-
RITATE, AC VITA INCREATA,
COMPOSITUS,

Juxta D. THOMÆ AQVINATIS,
Quinti Ecclesiæ Doctoris,
Angelicam Sententiam,
DETERMINATUS,



Ex Vastissimis Theologicis Disputationibus,
Illustrissimi & Reverendissimi Domini,

D. PETRI DE GODOY,

EPISCOPI OXOMENSIS, SALMATICENSIS VNIVERSITATIS CAN-
cellarij, Primariæq; Cathedræ in eadem Moderatoris, Serenissimi Hispania-
rum REGIS Ordinarij Concionatoris, Prædicatorum Ordinis,

EXCERPTUS,

A. R. PATRI, S. TH. PRÆSENTATO,

P. NICOLAO
OBORSKI,

Conventus Cracoviæ: Priori Dignissimo,
& per Contratam Minoris Poloniæ VICARIO,
Generalis Studij eiusdem Provinciæ Poloniæ
Actuali S. Theol: Professori, ac Ordinario Baccalæureo,

R. P. F. DOMINICO FRYDRYCHOWICZ,
S. Th: Præsentato, eiusdem Generalis Studij Regente,

Stylo quò compendiosiori, cò Affectu extensiori,

CONSIGNATUS. cc.

Anno Cogniti in terris Incarnati DEI, 1690.

CRACOVIAE, TYPIS VNIVERSITATIS.

Ex Rotacelle Actuum

Ex Rotacelle Actuum



220029-10

P.



na
VL
por
M
ron
por
tidij
Sere
pilla
qua
Dir
[de
rum
RE
noua
qua
entia
GIT
toru
adve
TVR
SVA,

Adm: Rñde PATER
PRIOR
DIGNISSIME,

P. & CONPROFESSOR OBSERVANDISSIME.



Oronata COLVMNÆ MAIESTATI ac PONDERI, conclusa intra cali terraq; ambitum elogia sufficere posse, nequaquam discernere audeo; dū illa NON HIC VLTIMA transeuntis laudis ac felicitatis stabiliendo fundamenta, etiam supremam ipsius Scientiæ Divinae imitatur Praeminentiam. Porro Scientia Divina NON PLUS ULTRA Essentiæ Divinae, omniumq; in ipsa pracontentorum sese porrigit circumferentiam; & Coronata per Gratiam COLVMNA, NON PLUS ULTRA Auream Gloriæ Beata sese attollit Coronam. Scientia Divina OMNIA SIMVL, quæ volubilis temporis agitantur cursu intuetur; & Coronata COLVMNA nitidissimo Aquilæ Sarmaticæ (intra cuius pectoris Maiestatem per Serenissimum SIGISMVNDVM AVGVSTVM stabilita est) pupillâ Prudentiæ Senatoriæ præditis oculis Universam Republicam quam adiuvat subleuatq; necessitatem, contemplatur. Scientia Divina RECTITVDINE SVBSISTIT, inuariabilem circa res [de futuro ad præsens, de præsentī ad præteritum transeuntes statum,] conservando uniformitatem; & Coronata COLVMNA RECTITVDINE SVBSISTIT Virtutum immutabili progressu, noua futura posteritati relinquendo vestigia heroica; ac antiqua Sublimium Antecessorum in se exprimendo exempla. Scientia Divina rebellantis creatæ voluntatis potentiâ NEC FRANGITVR, NEC FLECTITVR ab immobili inconcussorum Decretorum Prædestinata Sententiâ; & Coronata COLVMNA adversa Fortuna ventis NEC FRANGITVR, NEC FLECTITVR blandientis sæculi lanociis. Scientia Divina STAT MOLE SVÆ, nullo fulcro cuiuscunq; cognitionis à rebus creatis mutuata

indigens; & Coronata COLUMNA STAT MOLE SUA
alienorum honorum non emendicans coadiutoria. Scientia Di-
vina FVLGIT & ORNAT: Fulcit, quia eius mediante fecun-
ditate ÆTERNVS PATER similem in Substantia produ-
cit ac generat FILIVM, sine quo stare ac subsistere nequit:
Ornat, quia omnia in pondere, numero, & mensura constituit;
& Coronata COLUMNA Purpuras Cardinalitias, Ar-
chiEpiscopales Gnesnenses Cruces, Posnanienses, Plocenses, Mar-
garitenses, Laodicensesq; Tiaras FVLGIT, & ORNAT Rega-
lem Poloniae Thronum per Serenissimam BONAM, Serenissimi
SIGISMVNDI AVGVSTI Parentem. Scientia Di-
vina NOCTE DIEQVE omnia gubernat, disponit, modera-
tur; & Coronata COLUMNA nunquam Reipublica Po-
loniae defuit, quam sive in die prosperitatis, sive in nocte calami-
tatis, armis, fortunis, honoribus, consiliorum efficaciam, ac ipsam de-
niq; vitam pro Ecclesiae ac Patriae incolumitate morti sacrificata
moderatur filialiter. Hec est A. R. P. in Tua Coronata CO-
LVMNA Divinae Scientiae Impressio, Proportio ac Imitatio.
Quocirca NON PLVS VLTRA Scientiam Divinam cum Tu-
us desideret animus, ideo confidenter & audacter ad Tuam
COLUMNAM Theologica de Scientia Divina appendo
Theoremata. Et dum Tibi Coronata COLUMNAE
encomia (Pace Tua modestia) aggratulor: hanc quam Provanae
Viti Summus Pontifex MARTINVS V. supposuit ad fir-
mitatem COLUMNAM, eandem Tu in Ecclesia, Patria,
Ordinis, Provincia, Scholae Thomistica, Tuiq; Conuentus Nati-
vi Cracoviensis supponas FVLGIMENTVM & ORNAMEN-
TVM; filialiter exopto.

A. R. P. V. Dignissimæ,

Exorator & Servus in Christo,

F. DOMINICVS FRYDRYCHOWICZ,
 S. T. P. Gen: Stud: Crac: Regens,
 eiusdem Ordinis.

TRACTATUS THEOLOGICUS,

De Scientia, Ideis, Veritate,
& Vita DEI.



IN DEO reperiri Scientiæ altitudinem, passim Diuinæ Paginæ attestantur oracula; & quidem *Primò* sub nomine perfectæ cognitionis: Iob enim 31. dicitur: *Nonne ipse considerat vias meas.* Psal. 137. *Excelsus Dominus & humilia respicit, & alta à longè cognoscit.* Primæ ad Corinthios 2. *Quis enim hominum scit, quæ sunt hominis, nisi Spiritus hominis qui in ipso est: ita & quæ Dei sunt nemo cognoscit, nisi Spiritus Dei,* Secundò sub nomine speciali Scientiæ. Ester 14. dicitur: *Te Domine qui habes omnium Scientiam.* Psal. 138. *Mirabilis facta est Scientia tua ex me, confortata est & non potero ad eam.* Ad Coloss. 2. *In quo sunt omnes thesauri Sapientiæ & Scientiæ DEI.*

Et de hoc Scientiæ Diuinæ Attributo; tractat Doctor Angelicus in primo dist: 35. Ad Annibaldum in eadem dist: Quæst. 2. de veritate. Primò contra gentes, cap. 44. vsque ad 59. Et in P. P. Quæst. 14. post considerationem eorum quæ ad Diuinam Substantiam pertinent, rectissimâ methodo descendit ad considerationem eorum quæ pertinent ad operationem ipsius DEI. Et quia Operatio quædam est, quæ manet in operante: quædam verò procedit in exteriorem effectû: ideo Doctor Sanctus prius disputat de Scientia quæ manet in intelligente: & quia Intelligere, quoddam viuere est: ideo post considerationem Scientiæ Diuinæ tractat Diuus Thomas de Vita Dei; Et quia Scientia, Verorum est, ideo Præceptor Veritatis de Veritate & falsitate annectit Disputationem; Et tandem quia Omne cognitum in cognoscente est, rationes autem rerum, secundum quod sunt in DEO cognoscente, *Ideæ* Vocantur; ideo Aquinaticus Professor Tractatui de Scientia Diuina adiungit de Ideis Diuinis tractatum eruditissimum. De quorum omnium Tractatum, Cognoscibilitate Theologica, sequentes ponimus cum suis probationibus Conclusiones.

Dari



Ari in Deo intellectuali, Scientiam sumptam pro cognitione certa, euidenti, & ab omni imperfecti-
one libera, est Veritas Catholica. Quia *DEVS Sapiens corde est*, Iob. 9. 2. Quia est naturæ vi-
uentis, non vegetatiuæ, non sensitiuæ. Ergo In-
tellectiuæ 3. Est Agens non à casu, sed ex cogni-
tione finis à se præstiti. 4. Est summè Immateri-
alis: iam autem Immaterialitas est ratio, cur ali-
quid sit cognoscituum. I. Partim quia Omne Immateriale, Substan-
tiale, Radicale, est formaliter elicitium operationis radicaliter vt Quo:
primò ad differentiam rei materialis quæ tantum est, modo materiali susce-
ptiua aliarum formarum in linea Entis, non in linea Intelligibilis; *Se-
cundò* ad differentiam Accidentalium immaterialium formarum; qua-
lis est voluntas, intellectiua tantum præsuppositiuè quia præsupponit
intellectum: & Intellectus Agens, intellectiuius Causatiuè antecederet,
quia depurat species à phantasmatibus, ordinatas ad intellectionem:
Tertiò ad differentiam Personarum Diuinarum Immaterialissimarum,
quæ præsupponunt iam Naturam Diuinam Radicaliter Operatiuam,
& à se virtualiter distinctam, vt pote Primordiale substantiam.

II. Partim quia per hoc differunt Cognoscentia à non Cogno-
scentibus: quia ista Noncognoscentia, modo materiali recipiendo ali-
orum formas tantum Accidentales, easdem indiuidualiter realiter,
multiplicant: nam calor in ligno receptus, alius est realiter indiuidu-
aliter, à calore qui est in igne; iam autem Cognoscentia Perfecta,
Angelus & Homo, Modo Repræsentatiuo recipiendo aliorum formas
propriam tam Substantiales quam Accidentales, easdem non multi-
plicant indiuidualiter: quia eadem est natura in specie intelligibili,
quæ est in Obiecto: attamen easdem multiplicant Realiter, quia sta-
tus Essendi Physicus & Naturalis, diuersus est essentialiter à statu Esse
Intelligibilis & Repræsentatiuo: non tamen in natura repræsentata in-
ducit distinctionem essentialem, quia naturæ conuenit Accidentali-
ter: sicut albedo & nigredo essentialiter distinctæ, non diuersificant essentialiter
subiectum. Est autem inauditum apud Theologos quod eadem Natura
creata, seruata reali identitate, identificetur extremis realiter distinctis;
qualia sunt, status Physicus & status Repræsentatiuus. Et deinde Intel-
lectus est actu intellectum, per formam intelligibilem, *constitutiue for-
maliter*: ita quod eadem est forma per quam obiectum redditur in-
telligibile, & per quam intellectus constituitur in actu; & sic ex parte
formæ potest admitti. Intellectus actu intelligens est res actu intel-
lecta *identice*; aut ex parte substracti: ita, vt ipse intellectus fiat res intel-

lecta:

lecta: Non; quia species Intelligibilis actuans intellectum, non potest identificari cum intellectu; *tum* quia Species Intelligibilis & intellectus, ab inuicem realiter separantur: *tum* quia Species Intelligibilis de Potentia intellectus, realiter educitur: *tum* quia Essentia Diuina vnitur mentibus Beatorum in ratione speciei Intelligibilis, & tamen intellectus Beati, non potest realiter identificari cum Deo.

3. Partim quia implicat Contradictionem dari Substantiam Immaterialem, & non intellectuam: *tum* quia implicat Substantia Immaterialis quæ capax non sit recipiendi formas aliarum rerum: *tum* quia implicat Substantiæ Immateriali conuenire vitam, & non intellectuam: *tum* quia, sicut implicat substantia materialis (quale est Cælum Empyreum) non operatiua radicaliter, ita & Spiritualis Substantia Immaterialis non intellectuua, implicat. Vnde etiam Cælum Empyreum est Operatiuum vel Radicaliter vel Proximè: non tamen Actualiter influit, quia corpus, sine Motu non influit; iam autem Motus Empyreus, perpetuò quiescenti repugnat; Et quia Cælum Empyreum pro fine superiore respicit, vt deseruiat tanquam Palatium homini glorificato, ideo, adhuc potentia Operatiua illi collata non est frustra, ex fine superiore, ad quem Empyreum quoad Substantiam est ordinatum, & quia eius Substantiam, necessariò consequitur Potentia operatiua, (quæ frustratur fine proximo. s. Actuali operatione & influxu,) sine qua ipsa substantia Cæli esset imperfecta, consequenter perficiendo Substantiâ Cæli Empyreici conducit, vt Cælum Empyreum & sit in Palatium homini glorificato, & sit in Ministerium hominum. (vt dicitur Deutoron: 4.) perpetuam quietem & perpetuitatem influendo in hæc inferiora, sine Motu.

II. DEI Cognitio est propriè scientia, contrapositione ad *Metaphoricè*: & ad *communiter*. Quia S. Scriptura non in Metaphorico sensu Deum scientem affirmat. *Ratio secundi*. Quia Scientia communiter dicta est certa & euidens cognitio, quæ tam ad Principia quàm ad Conclusiones & ad omnia alia terminari potest: nec requirit vt omne quòd per illam scitur, per aliquid magis notum sciatur; etenim per scientiam communiter dictam, sciuntur Principia, & tamen ista, non habent aliquid prius & notius, per quod sciantur. Iam autem Scientia Dei est Conclusionum, cognitarum per aliquid magis notum ex parte Obiecti seu cognitorum, non autem ex parte Subiecti, s. intellectus Diuini, vnico actu Principia & Conclusiones attingentis. T. q. Scientia propriè sumpta est certa & euidens cognitio rei per Causam, & quòd illius est causa, & quòd aliter se habere non potest: iam autem id totum reperitur in Deo, vt potè importans perfectionem simpliciter simplicem. T. q. Sicut non est de ratione Omnis Scientiæ causari ex priori cognitione; sed tantum de ratione Scientiæ à Principiis realiter distinctæ; ita tantum de ratione scientiæ talis, à Principiis realiter distinctæ est, importare discursum formaliter talem,

lem, & Deo repugnantem : iam autem Non est de ratione scientiæ vt sic, importare discursum : vt patet in Angelis per suam Essentiam tanquam per Causam suas proprietates cognoscentibus scientifice ; *Vel* de ratione Scientiæ vt sic, & strictè sumptæ, est Discursus aut Formalis, aut Virtualis : iam autem Discursus Virtualis non repugnat Deo, sicut eiusdem perfectionibus Diuinis non repugnat Virtualis emanatio, .s. Attributorum ab Essentia : & ex parte Obiecti ad scientiam propriam sufficit Virtualis Obiectiua Causalitas : vt patet in Ente & eius proprietatibus. Ergo etiam ex parte subiecti .s. Dei cognoscentis sufficiens nec repugnans est Causalitas virtualis vnius cognitionis ab alia.

III. DEVS habet scientiam strictam suorum Attributorum Speculatiuam. Quia habet perfectissimam Sapientiam quæ scientia est, iudicans de rebus per altissimas causas. T. q. Ad rationem scientiæ à priori sufficit procedere per Causam virtualem in essendo ; iam autem, Attributa Diuina licet non habeant causam formalem, habent tamen Causam Virtualem, .s. ipsam Essentiam Diuinam, quam Cognitio Diuina simplicis Intelligentiæ seu Intellectus Principiorum, attingit vt Radicem virtualem in ordine ad Attributa : quamuis non faciat distinctionem rationis inter Essentiam & Attributa, sicut illam non facit inter simplicis Intelligentiæ, & scientifiæ attingentiæ cognitiones, licet inter se secundum rationem distinctas. T. q. Ideo Attributa non possunt terminare puram Electionem, quia habent in se intrinsecam Bonitatem, ratione cuius possunt & petunt propter se amari : est autem de ratione Electionis puræ, vt Obiectum illius nullatenus propter se ametur ; quamuis sumpta electio inadæquatè, non sistens in Attributis, sed illa saltem propter finem virtualem amans, admitti possit. Ergo *è contra*, ideo Attributa terminare possunt strictam scientiam, quia habent in se intrinsecam veritatem, ratione cuius in seipsis cognoscantur.

IV. DEVS habet Scientiam Omnium Creaturarum, secundum illarum Essentias, 2. proprietates : 3. etiam vt in singulari existentium. Quia de Creaturis Deus habet cognitionem euidentem & certam, per Causam Increatam, à qua dependent Omnes Creaturæ tanquam à Causa Efficiente, Finali, Exemplari : & quidem Creaturæ Possibiles dependentiâ signatâ : *Futura* seu Contingentes, dependentiâ exercitâ à Decreto : *Præsentēs*, dependentiâ actuali, ab Omnipotentia Creante & Conseruante. T. q. Omnibus Creaturis conuenit transcendentaliter *Ratio Entis ab alio* : ideoque etiam Substantia, non *essentialiter constitutiue* : sed *Transcendentaliter effectiue* sub conceptu Entis dicit ordinem Extrinsecum ad Deum. *Ratio secundi*. Deus *ex parte obiecti* cognoscit Essentias rerum creatarum, esse Causas suarum proprietatum ; & *ex parte sui actus*, ab Essentiis creatis, non vt in se, sed vt in Dei Essentia contentis, mouetur ad ipsarum cognitionem. *Ratio tertij*. Sicut Voluntas Diuina non absolutè sumpta, sed vt virtu-

virtualiter influens in Decretum, necessariò tanquam Causa virtualis, connectitur cum Decreto: & ratione huius necessariae connexionis Decreta libera vt actu existentia, possunt terminare scientiam strictè sumptam; ita etiam Creaturæ in singulari existentes, eo modo quo Causam habent, connectuntur cum Decreto; ideoq; scientiam Diuinam possunt *Secundariò*, terminare, quam ipsa Decreta *Primariò* terminant; cum etiam ex suppositione Decretorum liberorum *quòd sint*, necessarium est illa esse, magis, quàm Creaturas.

V. Scientia à posteriori non est in Deo constituenda. Quia ad illam requiritur Causalitas vel obiectiua vel subiectiua: & Deus vtriusque est incapax T. q. Deus ita cognoscit effectum in ordine ad Causam, duòd illius cognitio prius terminetur ad Causam, & ex illa transeat ad effectum; non tamen è contra, ideoq; effectus non est ratio Diuinæ Cognitioni cognoscendi Causam; etenim Deus est Terminus dependentiæ creaturarum & Causa illarum in Essendo ac in Cognoscendo T. q. Deus Cognoscendo Creaturas, in illis seipsum cognoscit, vt ab illis imperfectè participatum, quod est Esse virtuale Diuinum; non verò vt ab illis, talis cognitio terminetur ad aliquam Diuinam intrinsecam formalitatem: quod est Esse Formale. T. q. ideo in Angelis datur scientia à posteriori, quia Cognitione effectuum, potest esse Angelo Causa Virtualis, Cognitionis Causæ: quòd in Deo implicat. Hinc Deus nec etiam per Attributa cognitione à posteriori, potest suam Essentiam cognoscere: *partim* quia Attributa sicut non sunt Causa Virtualis Diuinæ Essentiæ in Essendo, ita etiam nec in cognoscendo: *partim* ideo Deus ex Creaturis non habet cognitionem a posteriori, quia seipsum perfectissimè cognoscit ad ipsarum cognitionem; Etidem de Attributis respectu Essentiæ. *partim* quia Attributa vt virtualiter distincta, in ratione mediij, non possunt adæquare Essentiam Diuinam. *Similiter* ob easdem rationes per Intellectualitatem à posteriori, non cognoscit Deus Immaterialitatem; sed è contra, à priori Intellectualitatem per Immaterialitatem.

VI. Datur in Deo facultas proximè intellectiua, ratione ratiocinatâ à Natura Dei, & ab actuali intellectiōe distincta. Quia sicut in Creaturis inter essentiam & operationem, cadit virtus media, differens ab utroq; realiter: ita in Deo, differens ratione tantum ratiocinatâ; ex eo, quòd Natura intellectualis, facultas proximè intellectiua, & Intellectio actualis, dicantur de Deo Analogicè. T. q. Quæ differunt definitione Adæquatâ, distinguuntur in Creaturis, & in Deo saltem ratione ratiocinatâ; Essentia & Natura differunt definitione inadæquatâ: Actus Liber & Necessarius, non distinctione *Essentiæ* sed *Terminationis*, & diuersi eiusdem Essentiæ exercitij distinctione discriminatur in Deo. Persona & Relatio in Creatis distinguuntur Realiter, & Essentialiter, quia Personalitas est quid absolutum: & hoc absolutum, quòd sit Incommunicabile, constituatq;

personam, prouenit ex limitatione creata : iam autem in Deo Sola Relatio est Incommunicabilis, ideoq; Personalitas Diuina necessariò est Relatiua, ac per consequens non potest à Relatione distingui *nec essentialiter* quia non potest esse quid absolutum ; *nec virtualiter* quia quæ differunt in Creaturis Realiter ex ipsarum limitatione , translata in Deum, non differunt virtualiter ; iam autem inter Naturam Intellectualem & facultatem proximè intellectiuam in Creatis, etsi Distinctio Realis ex limitatione proueniat : attamen Distinctio Essentialis nascitur ex ipsorum formalibus conceptibus, quæ translata in Deum, retinet distinctionem virtualem. T. q. Constitutum formale Distinctionis Realis in Creaturis, quod est verificatio duarum Contradictoriarum, non est necesse, quòd conueniat Prædicatis Virtualiter distinctis : vt supra diximus.

VII. Datur in Deo Principium Virtuale intellectionis essentialis. Quia ratio intellectûs, vt præscindit à creato & increato, consistit in ratione Principii proximi Intellectionis. T. q. Intellectus Diuinus distinguitur ab intellectione Actuali, Virtualiter. T. q. Ipsi Intellectioni Diuinæ, conuenit à Principio virtuali, egressus virtualis : sine imperfectione potentialitatis, quia actu implicite intellectus Diuinus includit Intellectionem. Nam, Expressio vltimæ Actualitatis propriæ lineæ, debetur cuilibet perfectioni Diuinæ : sumptæ veluti *Specificè* : & sic vltima Actualitas radicis intelligendi metaphysicè illam constituens, est Conceptus radicis actualissimæ intelligendi ; vltima Actualitas Potentiæ proximè intellectiuæ, est Conceptus Actualissimi Principii Proximi ; iam autem Actualis Intellectio, est vltima actualitas in genere & linea intelligibili veluti *Genericè* sumpta, non autem veluti *specificè* ; quia tamen Operatio vitalis est, de cuius conceptu est præsupponere Principium radicale & proximum, fit consequens, vt non pertineat ad quasi species Principij radicalis & proximi ; ideoque sine expressione illius, Principium radicale & proximum, non intelligitur vt Potentiale.

VIII. Datur in Deo conceptus Potentiæ realis , realiter proximè intellectiuæ. Quia ab Actuali intellectione ad Potentiam intellectiuam , bona est Consequentia. T. q. Datur in Deo conceptus Naturæ realis, realiter intellectiuæ & volitiuæ, sine reali influxu in intellectionem & volitionem. Ergo pariter. T. q. Cui cum proprietate conuenit operari, eisdem conuenit natura, non solum sumpta *pro Essentia*, sed etiam sumpta *pro Principio* operationum ; iam autem Deo conuenit cum proprietate operari .i. vitali Operatione. T. q. In Deo, non est de ratione potentiæ realis realiter proximè intellectiuæ, quòd realiter distinguatur ab actu : Nam Potentia Generatiua & Spiratiua, est realis, respectu actuum notionalium ; & tamen nulla istarum distinguitur ab actu generationis & spirationis, realiter : licet realiter distinguantur à termino : Natura Diuina est vera & realis radix & tamè sine distinctione reali à proprietatibus, & Personis ; consequen-

sequenter etiam Intellectus Diuinus erit principium Reale *Viruale* non *Formale*, intellectionis essentialis, sibi realiter non tamen virtualiter identificata.

IX. Datur in DEO vera ratio speciei intelligibilis. 2. ex parte actus primi ad intellectionem concurrentis : 3. tam ab Essentia Diuina : 4. quā ab, ipsa intellectione, virtualem habens distinctionem. *Ratio primi.* Quia Essentia Diuina seipsam perfectissimè repræsentat Diuino intellectui ; eademque vnitur in linea Entitatiua ac Repræsentatiua, in quarum vtraque, est infinita ; sicut & mentibus Beatorum vnitur eadem Essentia Diuina, vt species & forma intelligibilis. *Ratio secundi.* Quia iuxta illud *Ab. Obiecto* *Potentia paritur notitia* : quo modo influit potentia in notitiam, eodem modo influit in eandē Obiectum, .i. mediante sui specie Intelligibili ; ideoque sicut intellectus Diuinus influit virtualiter elicituè in Diuinam intellectionem, ita Diuina Essentia sub formalitate speciei intelligibilis, Obiectuè influit in eandem intellectionem. *Ratio tertij.* Quia ratio Essentia vel Naturæ, ratio speciei intelligibilis, ratio intellectionis, de Deo & Creaturis dicuntur Analogicè ; ideoque in Deo distinguuntur ratione rationatā ac virtualiter ; & Quia sicut ratio Obiecti Terminatiui (veritas) ab Essentia Diuina distinguitur virtualiter : ita & ratio Obiecti proximè Motiui, quod est ipsa ratio speciei Intelligibilis. *Ratio quarti.* Quia Diuina Essentia vt species, exercet influxum specificatiuum & effectiuum in Diuinam Intellectionem ; iam autem virtualis influxus effectiuus vel specificatiuus, virtualem inter extrema exigit distinctionem.

X. In DEO non datur Habitus ad intellectum vel voluntatem spectans. Quia Habitus de suo formali conceptu importat imperfectionem : *primò* quia pro subiecto postulat potentiam passiuam realiter ab actu distinctam ; *secundò* quia est ordinatus ad dandam potentia facilitatem in qua est difficultas : & ad eam proportionandam cum actu. Quæ omnes imperfectiones cum Intellectu & Voluntate Diuina perfecta & infinita in sua linea, non sunt compatibles : vnde non tantum realiter sed etiam virtualiter, Potentia Diuinæ proximè Operatiuæ identificantur tam cum proportionem ad actum, quā cum facilitate ad eliciendum actum, aliàs sine his suæ lineæ debitis perfectionibus, virtualiter priuatiuè essent imperfectæ.

XI. DEVS cognoscit seipsum. Quia *Quæ sunt Dei, nemo nouit, nisi Spiritus Dei.* 1. ad Corint. 2. & ista Cognitio non inuolit imperfectionem T. q. DEVS est naturæ cognoscitiuæ. T. q. Summa felicitas in DEI cognitione consistit. T. q. inter omnia Obiecta cognoscibilia, ipsemet Deus maximè est propitius suo actualissimo & immaterialissimo intellectui. T. q. Intellectus Diuinus est idem omnibus modis cum DEO : nam intellectus Diuinus identificatur cum specie Impressa, se tenente ex parte principij, & cum Expressa, se tenente ex parte termini ; ideoq; in-

E2

telle-

Handwritten signature or flourish.

intellectus Diuinus est carens potentialitate: *è contra* Substantia Angeli identificat sibi speciem Impressam, in sui per suam Substantiam cognitione, non tamen Expressam, ideoq; Substantia Angeli non sibi identificatur tanquam obiectum intellectum actu.

XII. DEVS seipsum: & alia à se comprehendit propriam cognitionem. *Ratio primi.* Quia DEVS seipsum cognoscit: & nihil sui latet propriam cognitionem: & illius cognitio tantæ perfectionis est .s. infinitæ, quantam petit Obiecti infiniti cognoscibilitas. T. q. respectu intellectus creati, cognoscit se esse incomprehensibilem *signatè*: respectu sui intellectus comprehendit se *exercitè*: ideoque Finitus est sibi, *non ex parte Obiecti* vt finitus cognoscatur, *non ex parte modi cognoscendi*, finitudine dicente limitationem efficaciam infinitæ in cognoscendo; sed finitudine summam perfectamquæ à se cognitionem importante. *Vel* Quod comprehendit se, finitum est sibi, *non Positiuè & propriè* sed *Negatiuè & similitudinariâ*. T. q. Infinitum est quod pertransiri non potest: id est, quod in illo primum & vltimum inueniri non potest. Et ista Transitio importat quandam successionem in partibus; & hoc modo Deus à seipso pertransiri nō potest *in esse cognoscibili*, iam autem seipsum comprehendere potest, quia ad rationem Comprehensionis sufficit Adæquatio: quia id dicitur comprehendendi, cuius nihil est, extra videntem.

XIII. DEVS cognoscit alia à se cognitione particulari: non autem confusâ. *Ratio primi.* Quia Deus cognoscit cognitione particulari virtutem suam, prout Creaturas continentem: *Ratio secundi.* Quia cognitio confusa importat solum rationem communem, in qua conueniunt; & non importat prædicata, quibus tum à Deo, tum inter se differunt; ideoque ob suam imperfectionem relegatur à Deo, Confusa cognitio.

XIV. Obiectum primarium intellectus Diuini, non est, vt communè Analogicè Enti creato & Increato: sed solum Ens Increatum. Quia Obiectum Primarium attingibile per se ab aliqua potentia, dat illi specificationem; iam autem, nihil à Deo distinctum, potest intellectui Diuino specificationem tribuere. T. q. Illud primò & per se ab intellectu cognoscitur, cuius specie intelligit: iam autem species quâ Deus intelligit: est sola Diuina Essentia. T. q. Primò & per se intellectum, est perfectio intelligentis: quod respectu Dei, non conuenit Communitati Analogicæ. T. q. Sicut Bonum in communi, abstrahens à creato & increato bono, non est specificatiuum Diuinæ Voluntatis, sed solum Bonum Increatum: ita & verum, non Analogicum, sed Increatum, specificat intellectum increatum.

XV. Obiectum formale Motuum Diuini Intellectus, est sola Diuina Essentia, vt distincta à Relationibus & proprietatibus absolutis. Quia sola Essentia Diuina, vt distincta virtualiter à Relationibus & Attributis, est species, quâ intellectus Diuinus sæcundatur ad intellectionem, & cum ipso

ipso ex parte principii ad intellectionem concurrit. T. q. Sicut Volitioni Diuinæ, quia priorem virtualiter præsupponit intellectionem, repugnat ratio Obiecti Motiui, ita & alijs absolutis perfectionibus. T. q. Species est principium Quo, intelligendi; iam autem Relationes Diuinæ, *Nec* sunt principium Quo, intellectionis essentialis, quia essentialia & absoluta, sunt priora Notionalibus & Relatiuis. *Nec* intellectionis Notionalis, quia Relatio Paternitatis non est principium Quo intellectionis Notionalis, quā Pater Verbum producit: nam non Paternitati Verbum Diuinum per se primò assimilatur, sed speciei Impressæ, cuius est Species Expressa.

XVI. Obiectum Formale primarium terminatum intellectus Diuini, est Diuina Essentia, vt distincta virtualiter ab Attributis & Relationibus. Quia Essentia Diuina vt virtualiter ab Attributis distincta, attingitur ab intellectu Diuino *Ratione sui*; tum quia ratione sui est species, quā illam Diuinus intellectus intelligit: tum quia est maximè proportionata cum intellectu Diuino; iam autem *Ratione Essentia* ab intellectu Diuino attinguntur Attributa: tum quia Essentia Diuina sicut ob infinitatem suam in ratione speciei, & seipsam, & Attributa & Creaturas, est Diuino intellectui Ratio cognoscendi; ita ob eandem infinitatem, in ratione Obiecti cognoscibilis & repræsentabilis, & seipsam, Attributa, & Creaturas, est Diuino intellectui Ratio Obiectiua attingendi: tum quia sicut ex parte Obiecti Essentia Diuina est intellectui Diuino ratio cognoscendi Creaturas, quia eas præcontinet; ita etiam ob præcontinentiā Attributorum in Essentia Diuina, idem admittendum: T. q. Essentia Diuina est transcendens omnes perfectiones Diuinas; sicut Ens reale sua inferiora, quorum est sufficiens medium, vt à Nostro intellectu cognoscantur.

XVII. DEVS cognoscit omnes creaturas possibles, non solum secundum esse eminentiale, quod habent in Deo, sed etiam secundum propriam rationem & Essentiam, non solum in communi, sed etiam secundum proprias & particulares rationes. Quia iuxta Ecclesiasticum 16. *Ecce calum & calicorum & abyssus, & vniuersa terra & qua in eis sunt in conspectu illius.* T. q. DEVS suam omnipotentiam comprehendit, prout est causa creaturarum: iam autem Non stat virtutem Causæ comprehendendi, non cognitis illius ad quæ se extendere potest effectibus. T. q. Diuina Cognitio vt pote infinita, terminari debet ad omne obiectum, quod est actu cognoscibile; iam autem, Creaturæ Possibiles sunt entia actu cognoscibilia: nam in statu Possibilitatis sunt entia actu *Nominaliter* secundum connexionem prædicatorum essentialium: non tamen *Participialiter* secundum existentiam extremorum in aliqua temporis differentia: ideoque Creaturæ Possibiles vt sunt Entia sumpta *Nominaliter*, habent realitatem Essentiæ, vt actu illis conuenientem ac sufficientem, vt Obiecti-

uè sint vera, & actu in seipsis cognoscantur ab intellectu Diuino.

XVIII. *DEVS* cognoscit creaturas posibles in seipso, vt in obiecto primario. 2. & vt in Causa prius cognita. *Ratio primi.* Quia Creaturæ sunt obiectum secundarium; iam autem Omnis potentia attingit obiectum secundarium ratione primarij. T. q. à cognitione creaturarum non mouetur Deus, sed à propria Essentia. *Ratio secundi.* Quia Creaturæ continentur in Deo tanquam in Causa; iam autem, Eo modo vnum in alio cognoscitur, quo in illo continetur.

XIX. *DEVS* vt Causa creaturarum est ab intrinseco connexus, cum illarum possibilitate; ita vt si per impossibile aliqua illarum redderetur impossibilis, Deo aliqua intrinseca perfectio deficeret. Quia Deus vt Causa creaturarum, non est ab intrinseco indifferens ad esse & non esse talis possibilitatis; ideoque ab intrinseco est cum illarum possibilitate connexus; iam autem In Causa indifferenti ad esse & non esse effectus, non potest esse effectus, determinatè cognosci. T. q. Summæ Necessitati Dei & Omnipotentia Diuinæ non obstat connexio cum creaturis possibili-*bus*: *partim* quia est connexio Causæ sine depēdētia, vt continentis, eminenter effectum. Sic vnum relatiuum, est cum altero connexum, & Essentia vt radix proprietatum, est cum illis connexa, & Veritas Principiorum, est connexa cum Veritate Conclusionis; & tamen nullibi ex allatis, est dependentia: à fortiori Necessitas Entis à se, nec arguitur, & à posteriori seu mediatè, potest dependere à Creaturis Possibilibus: quia implicat dependentia quæ non sit formaliter effectus à Causa: & hæc respectu Dei est implicatoria.

XX. *DEVS* non habet cognitionem creaturarum possibiliū in seipsis immediatè, Motiue, aut Terminatiue. Quia cognoscuntur per speciem, immediatè Deum, & illas mediatè repræsentantem, T. q. Nulla cognitio Diuina potest habere pro Obiecto primario creaturas, nam illam specificare non possunt: sicut, nec Bonitas creata potest specificare actum Voluntatis Diuinæ.

XXI. Scientia Dei per modum actus secundi, virtualiter distinguitur à lumine principiorum; 2. non verò à Sapientia. *Ratio primi.* Quia Obiectum formale Luminis Principiorum, sunt principia vt immediatè vera, & in se cognoscibilia; Obiectum formale scientiæ, est veritas Conclusionis, vt ex principiis deducta: iam autem In Deo distinguuntur virtualiter, quæ in creatis distinguuntur ex propriis conceptibus essentialiter. T. q. In Deo vnum idemque principium Radicale, fundat plura Principia Proxima virtualiter distincta .f. Natura Diuina fundat Potentiam Intellectiuam & volitiuam; ita pariter vnum idemque principium proximum, fundat proximè plures actus virtualiter inter se distinctos. T. q. propter realem identificationem scientiæ cum Lumine principiorum ob lineam infinitatis excluditur omnis imperfectio à scientia Diuina. *Ratio*

secundi.

secundi. Quia sola scientia Diuina formalissimè considerat causas altissimas.

XXII. Scientia Diuina non multiplicatur attributaliter, iuxta numerum scientiarum, quæ in creaturis reperiuntur. Quia scientia Diuina est formaliter in ratione scientiæ infinita : ideoque se extendit absque virtuali multiplicitate ad omne scibile. T. q. scientiarum creaturarum rationes formales *sub Qua*, important potentialitatem : ideoque ex vi huius essentialis imperfectionis, non habent locum in Deo secundum quod inter se distinguuntur ; vnde præcisæ abstractionibus seu modis, quibus sua respiciunt Obiecta, solus manet in illis conceptus communis scientiæ : ratione cuius satius conuenire non autem virtualiter differre asseruntur.

XXIII. In DEO non est ponenda intellectio absoluta, virtualiter distincta ab attributis enumeratis. Quia omnis cognitio Diuina vel est practica vel speculatiua : si primum ; erit formaliter vel Prouidentia vel Artis : si secundum ; necessariò debet esse vel Luminis principiorum, in quantum attingit principia indemonstrabilia ; vel scientiæ formaliter, in quantum attingit Conclusiones vt in principio : in Deo enim non datur simplex apprehensio, sed perfectum iudicium, attingens vel principia indemonstrabilia, vel Conclusiones. T. q. etiam in Angelico vel humano intellectu, nullus actus iudicatiuus, certus & euidens est, qui non sit vel Luminis Principiorum vel scientiæ formaliter. Ergo pariter. T. q. ultra Obiectum scientiæ Diuinæ .s. ultra perfectiones vt scientificè demonstrabiles : & ultra Obiectum Luminis principiorum .s. ultra naturam Diuinam sub conceptu radice, non datur tertium obiectum quod posset specificare Intellectionem absolutam virtualiter distinctum à Lumine principiorum & scientia. Hoc enim esset Ens Diuinum vt sic, quod cum sit indemonstrabile, eo ipso attingi petit ab actu euidenti iudicatiuo Luminis principiorum *exercitè* : *signatè* tamen importat intelligibilitatem vtri-que Obiecto communem, ob transcendentia suæ formalitatem.

XXIV. In DEI scientia, non datur discursus formalis 2. benè tamen Virtualis. *Ratio primi.* Quia Deus unicà realiter cognitione indiuisibilis omnia cognoscit ; iam autem Ad discursum formalem requiritur realis multitudo cognitionum, quarum vna ex alia realiter causatur T. q. Discursus formalis, est motus ad ignotum de noto ; iam autem, Diuino intellectu nihil est ignotum : Nec eidem conuenire potest in linea cognoscibili, procedere de potentia ad actum : quod est discurrere formaliter. *Ratio secundi.* Quia non repugnat Deo virtualis causalitas vnius cognitionis in aliam : vt patet in Natura Diuina virtualiter influente in Attributa : & in Lumine Principiorum respectu scientiæ Diuinæ ; vnde sicut Obiectum Luminis Principiorum continet in se Obiectum scientiæ, ita Actus primus cognitionis, continet in se alterum : in nobis realiter efficienter, in Deo & Angelis virtualiter. T. q. sicut Deo non repugnat virtualis

tualis compositio; Non Compositio Rationis *simpliciter talis*, ex conceptibus Obiectiuis, mutuò se excludentibus, explicitè & implicitè: sed tantum Compositio Rationis *secundum quid talis* ex Conceptibus mutuò se actu implicitè includentibus: qualis est inter Ens & modos quasi contractiuos illius: ita etiam non repugnat Deum virtualiter componere in intelligendo, sic vt cognitio prædicati, non excludat implicitè cognitionem subiecti.

XXV. Diuisio Scientiæ D E I in Scientiam Visionis & simplicis Intelligentiæ, non differunt tanquam duo attributa, sed sunt vnicum & indissolubile attributum 2. ipsa tamen Diuisio est adæquata. *Ratio primi* Quia Obiectum scientiæ Visionis & simplicis Intelligentiæ est vnum: nam Deus in seipso, tanquam in Obiecto primario prius cognito, & tanquam in Causa, cognoscit tam Creaturas existentes quàm Possibiles T. q. ideo respectu Naturæ aliam, & respectu Attributorum aliam ponimus in Deo virtualiter distinctam cognitionem attributalem: quia respectu Luminis Principiorum se habet Natura Diuina *vt Quo* & *vt Quod*: & respectu attributorum per scientiam Diuinam *vt Quod* attributorum, se habet tantum *vt Quo*; iam autem respectu cognitionis creaturarum, tam vt Quo quàm vt Quod, Obiectum primarium, est Diuina Essentia. Et idem de Ente reali se habente *vt Quo*, in cognitione Entis Rationis, est pariformiter dicendum. T. q. Omnipotentia in qua Deus cognoscit Creaturas Possibiles, & Decretum Diuinum in quo intuetur futura, differunt virtualiter tantum *in esse Entis*: at *in ratione Obiecti* scientiæ Diuinæ, conueniunt formaliter, ob eiusdem immaterialitatis formalitatem. T. q. Ista: *Scientia simplicis Intelligentiæ, est causa rerum, in primo tantum, & non in secundo actu*: *Scientia Visionis, est causa rerum, in secundo tantum & non in primo actu*: important differentiam secundum intrinseca: *quoad terminationem*: non verò *quoad actualitatem & perfectionem*: quæ diuersa actualitas deest desumi ex diuerso Obiecto primario: quod deest in præsentia materia. *Ratio secundi* Quia inter Obiectum simplicis Intelligentiæ, quod est, *Res non existens exercitè*: & inter Obiectum Visionis quod est *Res existens exercitè* non datur medium Tum quia futura conditiota, quorum conditio nunquam extra causas ponenda: qualia sunt *Vt tibi Corozaim* &c. non ad aliquam mediam, sed ad scientiam simplicis Intelligentiæ pertinent, *partim* quia Obiectum scientiæ simplicis Intelligentiæ *Principale*, est entitas possibili is; non tamen obiectum est *adæquatum*: *vel partim* quia Entitas possibilis, est obiectum simplicis Intelligentiæ *Necessaria*, non vero simplicis Intelligentiæ *Libera*: *vel* vt à Necessaria & Libera abstrahentis: vnde conceptus simplicis notitiæ seu Intelligentiæ vt sic, est, quod sit abstrahentia, terminata ad obiectum, physice extra causas non existens: ista diuiditur, in Necessariam & Liberam: prima, terminatur ad purè possibile: & secunda, ad futurum sub conditione, quod physice extra Causas non

non existit. T. q. Ipsa etiam Entia rationis, si sunt in statu Possibilitatis suæ potentia: ad Scientiam Intelligentia: ; si sunt in statu Existentiæ : ad scientiam Visionis spectant, quam intuituè terminant ratione actûs, qui continetur & mensuratur æternitate. T. q. Scientia Approbationis non est distinctum membrum ab assignatis: quia scientia Approbationis *simpliciter talis* est scientia Visionis, connotando ordinem ad decretum absolute, & efficax Diuinæ Voluntatis: iam verò scientia Approbationis *secundum quid talis*, est scientia simplicis notitiæ Liberæ, quæ per ordinem ad Obiectum, *Abstractiua* dicitur: & per ordinem ad decretum efficax conditionatum, *Approbationis* vocatur.

XXIV. DEVS cognoscit per scientiam simplicis Intelligentia:, quidditates posibles quæ aliquando erunt. Quia tales Quidditates posibles terminant necessariam Dei cognitionem, ex connexionem suorum prædicatorum essentialium: quæ sicut Deus cognoscebat quoad suas Quidditates proprii ante Decretum, quod habuit de Existentiâ ipsorum: ita etiam in instanti talis Decreti, eadem cognoscit per scientiam Intelligentia:. T. q. Quidditas rei constituitur per Liberum Decretum Voluntatis Diuinæ, *vel* sub absoluta negatione existentia: seu nõ futuritionis *vel* sub affirmatione futuritionis: ideoque obiectum scientia: simplicis, non est quidditas rei, sub absoluta negatione existentia:, consequenter Decretum de illius futuritione, non tollit quin pro eodem instanti terminet scientiam simplicis Intelligentia:. T. q. De ratione scientia: simplicis Abstractiua: est, quod sit cognitio rei absentis, non reali absentia: *exercita* in re; sed absentia: *Negatiua* Obiectiua: ; vnde Creatura: Possibiles, in illo instanti Decreti de futuritione ipsarum, redduntur præsentis in æternitate, non præsentia: illis essentiali, cognoscibili per illarum Quidditatiuam cognitionem; sed præsentia: Accidentali; ideoque Scientia Visionis, ex exercita præsentia, est intuitiua: & scientia simplicis Intelligentia: est abstractiua, ex absentia Negatiua Obiectiua. T. q. Res physicè existens non potest cognosci vt possibilis pro instanti in quo existit: sumptâ possibilitate *Pro Potentia* ad existendum & non existendum: non verò sumptâ Possibilitate *Pro Nonrepugnantia* ad existendum, quia quando non existit, habet Nonrepugnantia: ad existendū.

XXV. DEVS cognoscit per scientiam Visionis possible, quæ non sunt futura, quatenus non futura. Quia negatio licet cognoscatur per suum positium tanquam per medium & rationem formalem, eiusdem scientia: ; tamen quoad rationem *intuitiui & abstractiui*: diuersas terminant scientias: sic Entitas possibilis, cognoscitur per scientiam simplicis Intelligentia:, & Negatio futuritionis de tali entitate, cognoscitur per scientiam Visionis: sic Deus cognoscit suam Omnipotentiam tanquam causam possible *intuituè*: & in ipsa possible *Abstractiue*: sic attingit Decretum Liberum tanquam medium de rerum futuritione, Intuituè:

& Negationem illius (vt docet Caietanus) Abstractiuè : consequenter illa v. g. *negatio futuritionis* alterius mundi, quem Deus decreuit non fore ; sequitur leges sui positiui, quoad Speciem actûs, per quem tam Affirmatio, quàm Negatio cognoscitur : non verò quoad denominationem actûs ex parte rei attractæ & scitæ : & sic, Negatio potest cognosci *intuitiue*, quia in seipsa est existens, & vt existens cognoscitur : & potest cognosci *abstractiue*, quia vel non existit, vel vt existens non cognoscitur. T. q. Intuitiuum & Abstractiuum diuersificant actus secundum speciem : quando æque primò & immediatè desumuntur ab Obiecto primario : iam autem in præsentem vnum desumitur ex parte Obiecti primariò attracti, alterum verò ex Obiecto secundariò attracto. T. q. Notitia Intuitiua essentialiter habet respectu Absentiæ Obiecti, illam attingere *vt Quod* : sicuti quando tenebras attingimus *vt Quod* : similiter notitia Abstractiua essentialiter habet, quod sit notitia rei physicè absentis : sic, quando lucem absentem cognoscimus, non cognitâ *vt Quod* & exercitè eius absentiam, solum habemus abstractiuam notitiam quæ attingit Absentiam obiecti exercitè & *vt Quo*. T. q. Negatio est purum *Nihil* prout opponitur Enti reali ; habet tamen Existentiâ realem Negatiuam seu remotiuam cuius est capax. Sic *Impossibile* essentialiter quia est existens existentiâ Negatiuâ cuius est capax intra statum Negationis futuritionis ; ideo terminat scientiam intuitiuam : è contra *Possibile* quia est non existens intra statum Possibilitatis Existentiâ Positiuâ cuius est capax, ideo tantum terminat scientiam abstractiuam : vnde *Possibile* in statu possibilitatis, ante omne decretum solum habet negationem futuritionis *Nonrepugnanter* : non autem *neganter* : nam Negatio existit, quando subiectum est, sub negatione formæ ; consequenter quoad rationem Intuitiui & Abstractiui Negationes per aliam, Affirmationes per aliam ex parte obiectorum attractorum sibi subordinatorum possunt attingi cognitionem, in Diuina scientia.

XXVI. Facultas proxima executiua Dei, ratione ratiocinatâ distinguitur ab Essentia Diuina, tanquam attributum illius. Quia sicut vis proximè v. g. Intellectiua quæ *Verum*, & Volitiua quæ *Bonum* pro Obiecto respicit, differunt Virtualiter ab Essentia, quæ vel à nullo specificatur, vel specificatur à propria existentia specificatione virtuali ; ita vis proximè productiua Creaturarum seu Omnipotentia quia specificatur virtualiter *vel* à Creaturis, vt alij volunt : *vel* à Diuina Essentia prout est ratio Obiectiua producendi Creaturas : *vel* ab actuali illarum productione tantquam ab actu, ideo ex distinctio Virtualiter Obiecto, ab Obiecto Essentiali Diuinæ, virtualiter ab Essentia Diuina distinguitur. T. q. Potentia productiua & essentia in creaturis distinguuntur, non solum ex limitatione sed etiam ex propriis formalibus conceptibus : consequenter translata in Deum Virtualiter distinguuntur.

XXVII. Vis proximè productiua creaturarum ad extra, non est attributa


tributum distinctum ab intellectu & voluntate. Quia vis proximè executiva etiam in Angelo (cui tantum Spirituales debentur potentiae) non est distincta ab intellectu & voluntate. T. q. Omnipotentiae seu facultati proximè productivae, nequit correspondere Actio specificativa quae non sit Actio formaliter Immanens: iam autem Omnis actus in Natura Intellectuali formaliter Immanens, est formaliter actus vel Intellectus vel voluntatis. T. q. Obiectum specificativum Omnipotentiae, non potest assignari distinctum Virtualiter ab obiecto intellectus & voluntatis: *Non Creatura*, quia istae secundum specificationem formalem obtinerent rationem causae respectu specificati: & secundum specificationem virtuales, non deberent distinguere realiter ab Omnipotentia: ut defacto distinguuntur *Non Essentia Divina* quia haec *vel* est ratio factibilium quatenus habet rationem vitium finis, & sic pertinet ad rationem boni, *vel* est omnium exemplar & idea; & sic pertinet ad rationem veri practici T. q. Nec ex eo Omnipotentia petit distinguere ab intellectu & Voluntate: quia Omnipotentia, Intellectus, & Voluntas, correspondent Potentiae productivae, Intellectui & voluntati in creatis: nam etiam Speculativum & Practicum in creatis essentialiter realiter distinguuntur, & tamen iuxta sententiam probabilem, scientia Speculativa & Practica attributaliter in Deo non distinguuntur. Nec ex eo quod Conceptus Omnipotentiae explicitus non importat explicitum conceptum Intellectus & Voluntatis: nam Paternitas in Divinis quatenus Relatio est, non explicat personalitatem, nec generationem activam, & e contra: & tamen ista non distinguuntur adaequatè; consequenter Omnipotentia non explicans conceptum Intellectus & Voluntatis, habere non potest ab illis distinctionem virtuales adaequatam, bene tamen inadaequatam.

XXVIII Omnipotentia non consistit formaliter in Voluntate & Intellectu adaequatè & ex aequo: 2. sed in intellectu: 3. non secundum sed primum actum dicente. *Ratio primi* Quia vis executiva est simplex attributum in Deo. Et ipsa Actualis productio est simplex actio. *Ratio secundae*. Quia Deus ad extra operatur per perfectiorem potentiam, tanquam per principium executivum, in quo perfectior est praecurrentia creaturarum: iam autem Intellectui formas aliarum rerum in se habenti hoc competit: non vero Voluntati quae fertur ad res. *Ratio tertiae*. Quia intellectus prout dicit actum secundum, obtinet essentialiter rationem actus: sicut in actu primo obtinet rationem potentiae; iam autem vis productiva Creaturarum, est per modum potentiae: sicut & ratio potentiae generativae ad intra consistit in intellectu per modum potentiae considerato.

XXIX. Actualis productio seu executio creaturarum, est formaliter actus Scientiae Divinae Practicae: unde etiam executivè concurret. Quia Actualis productio creaturarum, est formaliter actus intellectus: *Non Luminis principiorum*, quae erga Deum: *Non prudentiae* quae erga agnoscenda:

consequenter Artis, seu Practicæ Scientiæ quæ erga factibilia versatur :
Et iste actus quo creaturæ producuntur, est Imperium : non prout est erga
agibilia : quia sic est pars prouidentiae, ac perconsequens prudentiæ : sed
prout est erga factibilia : quia sic est actus Artis & scientiæ Practicæ.

Futurorum contingentium scientia, has habet conclusiones.

1.  Em esse futuram, dicit de formali præparationem & de-
terminationem causarum, ad illius productionem. Quia
Rem esse futuram, est aliquid reale, ac perconsequens à,
forma reali debet prouenire : Non à forma rei futuræ
quæ tempore futuritionis in se est nihil Ergo *Rem esse
Futura*, est extrinseca forma rei, quæ futura denominatur.

II. Solùm ex ordine ad Decretum Diuinum dicitur aliquid futurum
simpliciter, id est omnibus modis. Quia solùm id potest dici & esse fu-
turum omnibus modis, ad cuius productionem omnes causæ necessariæ
sunt ordinatæ & dispositæ ; hoc autem solùm à Diuino Decreto præsta-
ri potest.

III. Ex ordine ad causas secundas, necessariò & immutabiliter operan-
tes, dicitur aliquid Futurum simpliciter id est absolutè : 2. ex ordine ad
causas contingentes propensas, dicitur Futurum cum addito 3. ex ordine
ad causas contingentes ad vtrumlibet, nullatenus dicitur aliquid futurum.
Ratio primi. Quia quod habet *Esse* in causa necessariò & immutabiliter
operante, est determinatum *simpliciter* vt fiat : & potest cognosci quòd
Erit, certitudine scientificâ : & attentis omnibus circumstantiis & Causis
naturalibus, solùm miraculosè potest ab executione impediri : ideoque
absolutè futurum est. *Ratio secundi* per oppositum. Quia quod habet *Esse*
in Causa contingenti, non est determinatum, nisi *secundùm quid* vt fiat, &
non potest certitudine scientificâ cognosci quòd *erit* : & per causas natura-
les potest ab executione impediri. *Ratio tertij* Quia in Causis contingen-
tibus ad vtrumlibet propensis, effectus nullam habet determinationem
aut certitudinem.

IV. Futura Contingentia conditionata, connexa moraliter cum
conditione, cognoscuntur à Deo ex vi conditionis, certò certitudine phy-
sicâ ex parte *Subiecti*, & Morali ex parte *Obiecti*. Quia Conditionatum
illud, *futurum esse certò moraliter*, est omnino verum : quod etsi possit
physicè non euenire, Moraliter tamen non potest. T. q. dato anteceden-
te inferente Moraliter, non est minùs certum consequens moraliter esse
futurum, quàm quòd dato antecedenti inferente euidenter quòd conse-
quens sit absolutè futurum.

V. Futura conditionata coniecturaliter cum sua conditione conne-
xa, cognoscuntur à Deo ex vi conditionis cognitione *Metaphysicè* certâ
ex par-

ex parte subiecti, & coniecturaliter ex parte Obiecti. Quia effectum esse coniecturaliter futurum, sub conditione cum qua habet connexionem probabilem, est veritas infallibilis & necessaria, sicut Syllogismus probabilem est necessarium, probabilem inferre Conclusionem & scientificum scientificam.

VI. Futura conditionata disparata, non possunt ut vera à Diuino intellectu cognosci. Quia talis propositio disparata, nec est vera nec falsa, ac per consequens incapax assensus Diuini intellectus.

VII. Omnia alia conditionata futura, cognoscuntur à Deo non solum cognitione certâ moraliter aut coniecturaliter, sed etiam cognitione omnino infallibili, vel ut determinatè vera, vel ut determinatè falsa. Quia testimonia sacrae scripturae in quibus reuelantur futura conditionata, aptius interpretantur de cognitione omnino infallibili, quàm de cognitione certa solum moraliter. T. q. Inter *esse* & non *Esse* futurum, non potest dari medium pro instanti reali (etsi possit dari medium pro priori rationis) sed in illo, aut est futurum aut non est futurum; unde si sit reuerâ futurum sub conditione, Propositio affirmans est vera, & negans, est falsa; Si autem futurum non sit, Affirmatiua est falsa; & Negatiua est vera.

VIII. Conditionata contingentia non possunt certò & infallibiliter cognosci à Diuino intellectu in Causis liberis seu contingentibus, ut praeueniunt determinationem Diuinam. Quia effectus contingentes, prout in Causis, non habent determinationem ad esse, sed indifferentiam ad *esse* & non *esse* T. q. Deus non potest cognoscere certò & infallibiliter actus liberos ut conditionatè futuros, nisi tuum concursum etiam sub conditione futurum cognoscat; quem tamen iuxta P. Molinam, non potest Deus cognoscere, & ut futurum sub conditione attingere.

IX. Nullum futurum conditionatum, potest ut verum à Diuino intellectu cognosci, certitudine omnino infallibili, nisi praesupposito decreto libero, existente exercitè in Deo. Quia *Rem esse futuram sub conditione*, est aliquid reale extrinsecum; nulla autem forma est, à qua talis denominatio desumi possit, nisi Decretum liberum.

X. Decreta subiectiue absoluta, & conditionata Obiectiue, sunt in Diuina Voluntate admittenda. Quia implicat aliquid dici aut esse conditionatim futurum, nisi dependenter à Decreto Diuino, actu exercitè praesupposito in Deo: sed non à Decreto Subiectiue & Obiectiue absoluto. Ergo à Decreto Subiectiue tantum absoluto & Obiectiue conditionato. Et tales sunt Promissiones Diuinæ, in quibus promittuntur vitae æternæ gaudia omnibus hominibus sub conditione perseverantiæ.

XI. Decreta conditionata sunt ex se & ab intrinseco efficacia, & praedeterminantia efficaciter. Quia Decreta Diuina, sunt prima ratio discernendi consentientem à Nonconsentiente: quod habent ex intrin-

fecit efficacia, ratione cuius creatam Voluntatem Deo subordinant.

XII. Hæc conditionata positiuè futura, cognoscuntur à Deo, in Decreto efficaci subiectiuè absoluto, & conditionato Obiectiuè. Quia quidquid Deus extra se cognoscit, attingit in se, & intra se, ex parte medijs cognoscendi. T. q. Ab iisdem causis dependet contingentia in cognosci, à quibus in esse dependet: iam autem, futura conditionata dependent in esse, à Decreto Libero Dei, subiectiuè absoluto.

XIII. Datur in Deo decretum efficax, ad materiale peccati, à malitia formali præseindens. Quia Materiale peccati terminat complacentiam Diuinam, quin illam terminet malitia formalis. T. q. Deus vult Voluntate inefficaci antecedenti, materiale peccati, & non vult malitiam formalem. T. q. Deus præmouet Voluntatem ad materiale peccati, non præmovendo ad formale: & concurrit concursu determinato ad materiale peccati vt ab ipso: non autem ad malitiam.

XIV. Scientia futurorum conditionatorum contingentium, non est naturalis, nec media, sed perfectè & simpliciter libera. Quia Scientia ista Decretum Liberum supponit, & illi innititur. T. q. Potuit Deo non conuenire: at non ab extrinseco, consequenter perfectè libera. T. q. Terminatio intellectus Diuini ad veritatem conditionatam, est prouida absolute: conuenitq; Deo euitabiliter ab intrinseco: estq; à Deo vt à principio absolute indifferenti.

XV. Scientia media non est necessaria ad conciliandam Gratiae efficaciam cum nostra libertate. Quia Diuus Augustinus conciliauit strictè Efficaciam Gratiae, cum nostra libertate: & tamen scientiae Mediae non meminit. T. q. in statu conditionato, in quo obiectum scientiae Mediae intelligitur antecedere, præintelligitur efficax gratia: & tamen in illo statu illæsa manet arbitrij libertas. T. q. Efficacia inferens & causans nostram libertatem, non potest illam destruere; iam autem talis est Efficacia Gratiae, independens à Scientia Media.

XVI. DEVS Futura Absoluta contingentia cognoscit in Decreto Prædissinitiuo. Quia futura omnia contingentia cognoscuntur à Deo in sua Essentia tanquam in Causa, & Obiecto prius cognito; at non secundum formalitates necessarias. Ergo liberas. T. q. Decreto libero nihil deest vt sit medium cognoscendi in quo Deus futura contingentia cognoscat, cum habeat necessariam ex suppositione quod sit cum Creaturis connexionem.

XVII. Scientia simplicis Intelligentiæ concurrit actualiter ad productionem creaturarum, dirigendo remotè & mediatè: 2. & Scientia libera Visionis, est Causa immediata Creaturarum, & proxima regula productionis ipsarum. *Ratio primi.* Quia sicut in artifice creato scientia artificis concurrit ad artificiata, remotè dirigendo: tum quia electionem regulat: tum quia modum quo opus est factibile, ostendit: ita & in Deo

scien-

scientia simplicis intelligentiæ se habet, quæ etiam suo consilio ad productionem creaturarum concurrat. *Ratio secundi.* Quia Imperium concurrat ad productionem creaturarum: iam autem Imperium est scientia Visionis. T. q. perfectior Modus directionis est Deo attribuendus: & talis habetur per scientiam Visionis.

XVIII. Omnia futura contingentia, physicè coexistunt Deo, in mensura æternitatis. Quia Æternitas est duratio infinita indiuisibilis & tota simul: ac per consequens, ratione *infinitatis* continet omnem mensuram durationis inferioris: & ratione *simultatis* omnibus durationibus inter se succedentibus absq; successione ab æterno coexistit.

XIX. Ad certitudinem cognitionis Diuinæ futurorum contingentium, necessaria est ipsarum Physica Præsentia in æternitate, respectu ad causas contingentes: 2 ipsa tamen Præsentia Physica in æternitate non est vnicum medium, ad certam cognitionem requisitum: 3. benè tamen ad Intuitiuam exactum. *Ratio primi.* Quia ex medio & causa vt indifferenti, non potest aliquid cognosci determinatum. Ergo contingens non preut intra, sed prout est extra Causas potest sui certam cognitionem terminare, consequenter cū nō in propria mensura extra illas, sed tantum in mensura extrinseca superiori .i. in æternitate existat, fit quod Præsentia ipsorum in æternitate sit necessaria vt certò cognoscantur ab intellectu Diuino. *Ratio secundi.* Quia non tantum in Æternitate Præsentiam Physicam contingentium præcontinente, sed etiam in Ideis Diuinis superaddito Diuinæ Voluntatis proposito, contingentia futura possunt certò cognosci: nam Decretum efficax Diuinæ Voluntatis, infallibiliter est connexum cum futuritione contingentium: ista autem connexio Decreti Diuini cum futuritione subsistere nequit, nisi Decretum sit æternum, i deoq; Decreti æternitas est necessaria ad infallibilitatem Diuinæ Cognitionis. *Ratio tertiæ.* Quia de ratione notitiæ intuitiue est, vt terminetur ad obiectum extra causas existens, ac consequenter in aliqua duratione; Ergo quia futura ab æterno non existunt in propria mensura durationis, ideo vt ab æterno terminent intuitiuam notitiam, necessaria est ipsorum in mensura æternitatis præsentia physica.

I. IDEÆ sunt admittendæ in intellectu Diuino. Quia Agens intellectuale nequit formam intendere, nisi in se habeat formæ similitudinem, quam exprimere intendit in effectu, *vel* in esse intelligibili vel in esse Naturali; ideoq; Idea est forma quam aliquid imitatur ex intentione agentis determinantis sibi finem; & hoc totum reperitur in Deo.

II. Ratio Idearum Diuinarum non in Creaturis vt obiectiuè cognitis à Deo: 2. sed in aliquo increato consistit. *Ratio primi.* Quia inter Ideam & ideatum debet interuenire realis distinctio: iam autem Creaturæ vt obiectiuè cognitæ à Deo non distinguuntur à seipsis realiter existentibus. T. q. Idea seu Exemplar est finis, quem sibi artifex præfigit suæ operationis:

ris: iam autem repugnat Deo agere propter finem distinctum à se *Ratio secundi* ex iisdem per oppositum habetur rationibus T. q. Inter Increatum & Creaturas interuenit realis distinctio, cum conuenientia Analoga T. q. Omnia propter semetipsum operatur Dominus.

III. Essentia Diuina sub ratione Essentiæ, est Idea Obiectiua: 2. sub ratione Verbi, est Idea formalis non absolute: 3. sed cognita vt comparata cum creaturis: 4. prout diuersimodè imitabilis ab illis. *Ratio primi* Quia sicut apud artificem creatum, exemplar externum, obtinet rationem ideæ, ideo, quia vt obiectum cognitum, mouet & dirigit ipsum, vt formet conceptum practicum formandi artificiatum: iam autem Diuina Essentia vt obiectiue cognita à Deo, Diuinum intellectum & mouet & dirigit tam ad speculatiuam quam ad Practicam creaturarum cognitionem, & modi productionis illarum. T. q. Id quod aliud præcontinet perfectè, potest accipi vt propria ratio illius; iam autem Diuina Essentia continet actu perfectè omnes creatas perfectiones. *Ratio secundi* Quia Verbum in artifice creato, ideo est formalis idea, quia intellectui artificis repræsentat artificiatum formandum, & modum formationis illius: iam autem Diuina Essentia vt Verbum, perfectissimè repræsentat creaturas: cum hoc diffimine, quia Verbum creatum immediate, Essentia Diuina mediatè repræsentat creaturas, & seipsam immediate. Verbum creatum seu exemplar externum, concursum præbet in artifice creato *per Accidens* s. propter imperitiā artificis; secus dum est perfectus artifex: iam autem Essentia Diuina vt idea Obiectiua, præbet concursum *per se*, quia est obiectum prius cognitum, immediate repræsentatum, ideoq; nisi mediante suā Essentiā supremus artifex Deus, potest creaturas causare, prius concipiendo & intelligendo creaturas & modum producibilitatis illarum. *Ratio tertij* Quia idea non est forma aut similitudo quomodolibet imitabilis, sed imitabilis *exemplariter*: iam autem non potest esse imitabilis exemplariter, nisi vt inspecta & cognita ab artifice, ad quam ille respiciens, aliquid operatur. *Ratio quartæ* Quia in Deo sunt plures ideæ; vnde si Diuina Essentia esset vt idea imitabilis à creaturis absolute, nulla distinctio importaretur in Essentia Diuina, vt diuersimodè imitabili à creaturis in particulari; iam autem Idea debet accipi vt formalis & propria ratio creaturæ. Quod autem dentur plures ideæ in Deo: *ideo est*. Quia Diuina Essentia non sortitur rationem ideæ, nisi cognita vt imitabilis à creaturis in particulari: & cum illis in particulari proportionata: iam autem Creaturæ secundum vltimas differentias diuersimodè imitantur Diuinam Essentiam.

IV. Essentia Diuina non est idea Filij, aut Spiritus Sancti, nec Filius habet ideam in intellectu Patris æterni, nec Spiritus Sanctus in intellectu Patris & Filij. Quia idea habet rationem causæ exemplaris, respectu iocati: iam autem Diuina Essentia in generatione Filij, & Processione Spiritus

ritus

ritus Sancti, non habet rationem causæ. T.q. Idea est forma ad quam respiciens artifex operatur: Iam autem, Pater respectu Filij, non est artifex, nec causa, sed principium, [& idem dicendum de Spiritu Sancto] T. q. Idea est forma determinans agens, quod operatur ex intentione finis: iam autem Deus ad intra agit, ex necessitate naturæ.

V. DEVS habet ideas purè possibilem, quæ tamen non sunt practica, nisi virtualiter, & in potentia. Quia Deus cognoscit entia, quæ nec fuerunt, nec erunt, de quibus tamen habet cognitionem virtualiter practica, consequenter de illis habet ideam, virtualiter practica: sicut habet ideam formaliter practica, de his quæ sunt, fuerunt, vel erunt: vnde idea futurorum, est principium productionis: iam autem Possibilem, est ratio cognitionis.

VI. DEVS non habet in se ideam propriam, nec Materiæ primæ: 2. nec Mali, peccati, & priuationum: 3. nec formarum corruptibilem: 4. iam autem omnium specierum & omnium singularium habet propriam formam. *Ratio primi.* Quia propria forma & idea, est respectu eorum, quæ sunt per se factibilia: iam autem Materia prima per se non est factibilis, ut pote carens Existentiâ, quæ est terminus actionis productivæ; ideoq; nisi largè habet ideam, in quantum est cognoscibilis cum ordine sibi essentiali ad formam: vnde per quam ideam propriè cognoscitur compositum, per eandem cognoscitur materia. *Ratio secundi.* Quia Deus habet ideam solum eorum, quæ pertinent ad eius artem vel scientiam practica: iam autem Mala, peccata, priuationes, non pertinent ad artem Diuinam, ideoque solum cognoscuntur ratione formarum quibus priuant. *Ratio tertij.* Quia idea respicit rem prout est producibilis in Esse; iam autem Formæ corruptibiles, sunt tantum producibiles in composito: ideoque per ideam compositi cognoscuntur. *Ratio quarti.* Quia Providentia Diuina non solum se extendit ad species sed etiam ad ipsa singularia quæ causar.


I. DEVS EST VERITAS. Quia *Esse Diuinum* non solum est conforme suo intellectui, sed etiam est ipsum *suum intelligere*; quod est mensura & causa omnis alterius Esse, & omnis alterius intellectus. VNA. quia ab ipsa tam Veritates quæ sunt in rebus, quam quæ sunt in intellectu processerunt, ideoque secundum Vnam Veritatem Intellectus Diuini, omnes res denominantur Veræ. ÆTERNÆ. quia intellectus Diuinus est æternus, IMMUTABILIS. quia in intellectu Diuino nec potest esse alternatio opinionum, nec eius acceptionem potest subterfugere res aliqua.

DEVS EST VITA. Quia eius natura, est ipsum illius Intelligere, Et quia id quod naturaliter habet, non determinatur ab alio. Et quia per ipsum & in ipso, omnia quæ facta sunt, habent Vitam, ut potè præcontenta in Essentia Diuina, quæ est maxima Vita. Ad quam nos perducat IESVS CHRISTVS. Amen.




Disputabuntur publicè in Conuentu San-
ctissimæ TRINITATIS. Anno Domini 1690. Die
Mense Obiectis Satisfaciet Religiosus Fr. CA-
SIMIRUS DALCZEWSKI Diaconus S. Th. Studēs,
Ord: Prædicat. Sub Assistentia A. R. P. REGENTIS.

Ad Laudem DEI, & Doctoris Angelici
Honorem.




J. xxii. 29.



San
Die
r. CA
tudēs,
NTIS.

elici



San
Die
r. CA
tudēs,
NTIS.

29.



stdr0012874

Biblioteka Jagiellońska

~~Physiognomy of the~~
~~of the face~~
~~the face~~
~~the face~~